

Nuru ya Ukweli

Lakini msingi wa Mungu ulio imara umesimama, wenye muburi bii, Bwana awajua walio wake. Na tena, Kila alitajaye jina la Bwana na auache uovu—

2 Timotheo 2:19.

Mungu Mwenyewe atafanya kazi kwa ajili ya Israeli. Kila ulimi usemao uongo utanyamazishwa. Mikono ya malaika itatupilia mbali njama za udanganyifu zinazoundwa. Vikwazo vya Shetani kamwe havitashinda. Ujumbe wa malaika wa tatu utashinda. Kama ambavyo Nahodha wa jeshi la Bwana alivyozivunja kuta za Yeriko, ndivyo ambavyo watu wa Mungu wazishikao amri za Mungu watakavyoshinda na kila nyenzo za upinzani zitashindwa. Hebu kusiwe na roho itakayolalamika juu ya watumishi wa Mungu ambao wamewajia wakiwa na ujumbe wa mbinguni.

Usiendelee kutafuta kasoro ndani yao, ukisema, “wanajiamini sana; wana maneno makali.” Wanaweza kuwa na maneno makali; ila je, hayahitajiki? Mungu atayafanya masikio ya wasikilizaji kuwasha kama hawataisikiza sauti Yake au ujumbe Wake. Atawakana wale wanaolikataa Neno la Mungu....

Usafishaji na utakasaji hakika utapita katika kila kanisa nchini kwetu ambalo limekuwa na fursa kubwa na fadhila na umepita bila kupokelewa. Hawahitaji ushahidi zaidi. Wanahitaji mioyo safi na iliyotakaswa kupokea na kuhifadhi nuru yote ambayo Mungu ametoa, ndipo watatembea katika nuru hiyo.

Hatuhitaji kusema, “Hatari za siku za mwisho zinatujia hivi punde.” Tayari zimeshakuja. Kwa sasa tunahitaji upanga wa Bwana ili kukata nafsi na mafuta ya tamaa za mwili, uchu wa chakula na mihemko. Hebu na lichome na kugawanya kwa kiwango cha juu zaidi kuliko vile ambavyo limewahi kufanya....

Ninaongea na watu wa Mungu ambao leo wanashika sana imani yao, ambao hawataiacha imani ambayo ilitolewa kwa watakatifu, ambao wanasimama katikati ya giza la maadili la siku hizi za upotovu. Neno la Bwana kwenu ni hili: “Nami nitaufurahia Yerusalemu, nitawaonea shangwe watu wangu.” Je! Hapa hatuwezi kuuona upendo wa Baba Mungu uliooneshwa kwa wale waishikao imani yao katika haki? Uhusiano wa karibu mno upo kati ya Mungu na watu Wake. Si tu kwamba sisi tu kusudi la rehema Yake itunzayo, upendo Wake usameheo; tu zaidi ya hili. Bwana anawafurahia watu Wake. Anawashangilia. Yeye ni mdhamini wao. Atawapendezesha wote wanaomtumikia kwa moyo mkamilifu kwa roho ya utakatifu. Anawafunika kwa haki Yake. Anawapenda wale wayafanyao mapenzi Yake, ambao wanaonesha mfano Wake. Wale wote walio wa kweli na waaminifu wanabadilishwa kufanana na Mwanawe. Hakuna hila midomoni mwao, kwa sababu hawana hatia mbele ya kiti cha enzi cha Mungu

(Testimonies to Ministers and Gospel Workers, 410-415).